

孔叢子
傳子
中說
帝範
帝學
御定資政要覽
御纂性理精義

欽定四庫全書薈要

吉林出版集團有限責任公司
海 天 出 版 社

欽定四庫全書薈要

子部
儒家類

吉林出版集團有限責任公司
海天出版社

目次

書名	卷次	頁次	作者
孔叢子 卷首 卷上 嘉言第一 論書第二 記義第三 刑論第四 記問第五 雜訓第六 居衛第七 巡狩第八 公儀第九 抗誌第一〇 小爾雅第一一 卷中 公孫龍第一二 儒服第一三 對魏王第一四 陳士義第一五 論勢第一六 執節第一七 詰墨第一八 獨治第一九 問軍禮第二〇 答問第二一 卷下 連叢子上第二二 連叢子下第二三 傳子 卷首	卷上—卷下 卷一	二四八—一 二四八—三 二四八—二九 二四八—五一 二四八—六三	漢・孔鮒撰 晉・傅玄撰

書名	卷次	頁次	作者
正心 仁論 義信 通誌 舉賢 重爵祿 禮樂 貴教 檢商賈 校工 戒言 假 言 問政 治禮 授職 官人 曲製 信 直 矯違 問刑 安民 法刑 平役賦 鏡總叙 附錄 中說 卷首 卷一 王道篇 卷二 天地篇 卷三 事君篇 卷四 周公篇 卷五 問易篇 卷六	卷一—卷一〇	二四八—八一 二四八—八五 二四八—九〇 二四八—九六 二四八—一〇一 二四八—一〇九 二四八—一一五	隋・王通撰 宋・阮逸註

書名	卷次	頁次	作者
卷二 卷三 卷四 卷五 卷六 卷七 卷八 御定資政要覽 卷首 卷一 卷二 卷三 御纂性理精義 卷首 卷一 太極圖說 通書 卷二 西銘 正蒙	卷一—卷四 卷一—卷二二	二四八—一九五 二四八—二〇一 二四八—二〇六 二四八—二一五 二四八—二二一 二四八—二二六 二四八—二三三 二四八—二四一 二四八—二四三 二四八—二五四 二四八—二七〇 二四八—三〇三 二四八—三一三 二四八—三三八	清・順治十二年世祖章皇帝御製 清・康熙五十六年聖祖仁皇帝御纂

書名	卷次	頁次	作者
卷三 皇極經世		二四八—三五四	
卷四 易學啓蒙		二四八—三七〇	
卷五 家禮		二四八—三八一	
卷六 律呂新書		二四八—三九九	
卷七 學類一 小學 總論爲學之方 立誌 存養 省察		二四八—四一〇	
卷八 學類二 致知 力行 人倫 讀書法 文藝		二四八—四三一	
卷九 性命類 性命 心性情 五常 雜論經書名義		二四八—四五七	
卷一〇 理氣類 理氣 天地日月 陰陽五行 歷法 地理		二四八—四八〇	

書名	卷次	頁次	作者
卷一一 治道類一 總論治道 君道 臣道 用人 卷一二 治道類二 田賦 學校 宗廟 禮樂 兵政 刑罰 諫諍 禎異		二四八―四九〇 二四八―五一〇	

欽定四庫全書薈要

子部
孔叢子卷上

臣 王杰詳校
詳校官員外郎臣潘紹觀



欽定四庫全書薈要

孔叢子目錄

卷上

嘉言第一

論書第二

記義第三

刑論第四

記問第五

欽定四庫全書

孔叢子
目錄

雜訓第六

居衛第七

巡狩第八

公儀第九

抗志第十

小爾雅第十一

卷中

公孫龍第十二

儒服第十三

對魏王第十四

陳士義第十五

論勢第十六

執節第十七

詰墨第十八

獨治第十九

問軍禮第二十

答問第二十一

卷下

連叢子上第二十二

連叢子下第二十三

臣等謹案孔叢子三卷孔子八世孫鮒撰鮒

字子魚仕陳涉為博士嘗蒐輯仲尼而下子

上子高子順之言行列為六卷凡二十一篇漢

孝武朝太常孔臧以其所著賦與書上下二

欽定四庫全書

孔叢子
目錄

二

篇合為一卷綴之于末名曰連叢統名之曰

孔叢子蓋言有善而叢聚之也晁公武云漢

志無孔叢子儒家有孔臧十篇集家有孔甲

盤孟書二十六篇今攷獨治篇載鮒或稱孔

甲意者孔叢子即孔甲盤孟連叢即孔臧書

歟朱子語錄又謂其文氣軟弱不似西漢文

字蓋其後人集先世遺文而成之者然唐書

藝文志所載小爾雅即此書第十一篇李軌

嘗註而別行之則其來已久矣書凡二十三

篇與通考所載同舊作七卷此分上中下卷

不知何人所併也乾隆四十一年三月恭校

上

欽定四庫全書

孔叢子
目錄

三

總纂官臣紀昀臣陸錫熊臣孫士毅

總校官臣陸費墀

欽定四庫全書薈要卷一萬二百二十七 子部

孔叢子卷上

漢 孔鮒 撰

嘉言第一

夫子適周見襄弘言終退襄弘語劉文公曰吾觀孔仲尼有聖人之表河目而隆額黃帝之形貌也修肱而龜背長九尺有六寸成湯之容體也然言稱先王躬履謙讓洽聞強記博物不窮抑亦聖人之興者乎劉子曰方

欽定四庫全書

孔叢子
卷上

今周室衰微而諸侯力爭孔丘布衣聖將安施襄弘曰堯舜文武之道或弛而墜禮樂崩喪亦正其統紀而已矣既而夫子聞之曰吾豈敢哉亦好禮樂者也 陳惠公大城因起凌陽之臺未終而坐法死者數十人又執三監吏夫子適陳聞之見陳侯與俱登臺而觀焉夫子曰美哉斯臺自古聖王之為城臺未有不戮一人而能致功若此者也陳侯默而退遂竊赦所執吏既而見夫子問曰昔周作靈臺亦戮人乎荅曰文王之興附者六

州六州之衆各以子道來故區區之臺未及期日而已成矣何戮之有乎夫以少少之衆能立大大之功唯君爾 子張曰女子必漸乎二十而後嫁何也孔子曰十五許嫁而後從夫是陽動而陰應男唱而女隨之義也以為續組紉織維者女子之所有事也黼黻文章之義婦人之所有大功也必十五以往漸乎二十然後可以通乎此事通乎此事然後乃能上以孝於舅姑下以事夫養子也 宰我使於齊而反見夫子曰梁丘據遇虺毒三旬而後瘳朝齊君齊君會大夫衆賓而慶焉弟子與在賓列大夫衆賓並復獻攻療之方弟子謂之曰夫所以獻方將為病也今梁丘已瘳矣而諸夫子乃復獻方方將安施意欲梁丘大夫復有虺害當用之乎衆坐默然無辭弟子此言何如夫子曰汝說非也夫三折肱為良醫梁丘子遇虺毒而獲療猶有與之同疾者必問所以已之之方焉衆人為此故各言其方欲售之以已人之疾也凡言其方者稱其良也且以參據所以已之

欽定四庫全書

孔叢子
卷上

二

之方優劣耳 夫子適齊晏子就其館既宴且私焉曰齊其危矣譬若載無轄之車以臨千仞之谷其不顛覆亦難冀也子吾心也子以齊為游息之館當或可救子幸不吾隱也夫子曰夫死病無可為鑿夫政令者人君

之銜轡所以制下也今齊君失之已久矣子雖欲挾其輶而扶其輪良弗及也抑猶可以終齊君及子之身過此以往齊其田氏矣 齊東郭亥欲攻田氏執贄見夫子而訪焉夫子曰子為義也丘不足與計事揖子貢使

欽定四庫全書

孔叢子
卷上

三

荅之子貢謂之曰今子士也位卑而圖大位卑則人不附也圖大則人憚之殆非子之任也蓋姑已乎夫以一縷之任繫千鈞之重上縣之於無極之高下垂之於不測之深旁人皆哀其絕而造之者不知其危子之謂乎馬方駭鼓而驚之繫方絕重而填之馬奔車覆六轡不禁繫絕於高墜入於深其危必矣東郭亥色戰而跪曰吾已矣願子無言既而夫子告子貢曰東郭亥欲為義者也子亦告之以難易則可矣奚至懼之哉 宰我問

君子尚辭乎孔子曰君子以理為尚博而不要非所察也繁辭富說非所聽也唯知者不失理孔子曰吾於子取其言之近類也於賜取其言之切事也近類則足以喻之切事則足以懼之

論書第二

子張問曰聖人受命必受諸天而書云受終於文祖何也孔子曰受命於天者湯武是也受命於人者舜禹是也夫不讀詩書易春秋則不知聖人之心又無以別堯

欽定四庫全書

孔叢子
卷上

四

舜之禪湯武之伐也 子張問曰禮丈夫三十而室昔者舜三十徵庸而書云有鰥在下曰虞舜何謂也曩師聞諸夫子曰聖人在上君子在位則內無怨女外無曠夫堯為天子而有鰥在下何也孔子曰夫男子二十而冠冠而後娶古今通義也舜父頑母嚚莫克圖室家之端焉故逮三十而謂之鰥也詩云娶妻如之何必告父母父母在則宜圖婚若已歿則已之娶必告其廟今舜之鰥乃父母之頑嚚也雖堯為天子其如舜何 子夏

問書大義子曰吾於帝典見堯舜之聖焉於大禹皋陶
謨益稷見禹稷皋陶之忠勤功勲焉於洛誥見周公之
德焉故帝典可以觀美大禹謨禹貢可以觀事皋陶謨
益稷可以觀政洪範可以觀度謂皇極舜
倫之度泰誓可以觀
義五誥可以觀仁甫刑可以觀誠通斯七者則書之大
義舉矣孔子曰書之於事也遠而不闊近而不迫志
盡而不怨辭順而不諂吾於高宗彤日見德有報之疾
也苟由其道致其仁則遠方歸志而致其敬焉吾於洪

欽定四庫全書

孔叢子
卷上

五

範見君子之不忍言人之惡而質人之美也發乎中而
見乎外以成文者其唯洪範乎子張問曰堯舜之世
一人不刑而天下治何則以教誡而愛深也龍子以為
一夫而被以五刑敢問何謂孔子曰不然五刑所以佐
教也龍子未可謂能為書也子夏讀書既畢而見於
夫子夫子謂曰子何為於書子夏對曰書之論事也昭
昭然若日月之代明離離然若星辰之錯行上有堯舜
之道下有三王之義凡商之所受書於夫子者志之於

心弗敢忘雖退而窮居河濟之間深山之中作壤室編
蓬戶常於此彈琴以歌先王之道則可以發憤懣喟忘
已貧賤故有人亦樂之無人亦樂之上見堯舜之德下
見三王之義忽不知憂患與死也夫子愀然變容曰嘻
子殆可與言書矣雖然其亦表之而已未覩其裏也夫
闕其門而不入其室惡覩其宗廟之奧百官之美乎
宰我問書云納於大麓烈風雷雨弗迷何謂也孔子曰
此言人事之應乎天也堯既得舜歷試諸難已而納之

欽定四庫全書

孔叢子
卷上

六

於尊顯之官使大錄萬機之政是故陰陽清和五星不
悖烈風雨各以其應不有迷錯愆伏明舜之行合於天
也宰我曰敢問禋于六宗何謂也孔子曰所宗者六
皆潔祀之也埋少牢於太昭所以祭時也祖迎於坎壇
所以祭寒暑也主於郊宮所以祭日也夜明所以祭月
也幽榮所以祭星也雩禜所以祭水旱也禋于六宗此
之謂也書曰茲予大享于先王爾祖其從與享之季
桓子問曰此何謂也孔子曰古之王者臣有大功死則

必祀之於廟所以殊有績勸忠勤也盤庚舉其事以厲其世臣故稱焉桓子曰天子之臣有大功者則既然矣諸侯之臣有大功者可以如之乎孔子曰勞能定國功加於民大臣死難雖食之公廟可也桓子曰其位次如何孔子曰天子諸侯之臣生則有列於朝死則有位於廟其序一也書曰維高宗報上甲微上甲微契後八世湯之先也定公問曰此何謂也孔子對此謂親盡廟毀有功而不及祖有德而不及宗故於每歲之大嘗而報祭焉所

欽定四庫全書

孔叢子
卷上

七

以昭其功德也公曰先君僖公功德前行或作前列可以與

於報乎孔子曰丘聞昔虞夏商周以帝王行此禮者則有矣自此以下未之知也定公問曰周書所謂庸庸祇祇威威顯民何謂也孔子對曰不失其道明之於民之謂也夫能用可用則正治矣敬可敬則尚賢矣畏可畏則服刑恤矣君審此三者以示民而國不興未之有也子張問書云奠高山何謂也孔子曰高山五嶽定其差秩祀所視焉子張曰其禮如何孔子曰牲幣之物

五嶽視三公小名山視子男子張曰仁者何樂於山孔子曰夫山者巋然高子張曰高則何樂爾孔子曰夫山草木植焉鳥獸蕃焉財用出焉直而無私焉四方皆伐焉直而無私興吐風雲以通乎天地之間陰陽和合雨露之澤萬物以成百姓咸饗此仁者之所以樂乎山也孟懿子問書曰欽四鄰何謂也孔子曰王者前有疑後有丞左有輔右有弼謂之四近言前後左右近臣當畏敬之不可以非其人也周文王胥附奔轅先後禦侮謂之四鄰以免乎牖里之害懿子曰夫子亦有四鄰矣孔子曰吾有四友焉自吾得回也門人加親是非胥附乎自吾得賜也遠方之士日至是非奔轅乎自吾得師也前有光後有輝是非先後乎自吾得仲由也惡言不至於門是非禦侮乎孔子見齊景公梁丘據自外而至公曰何遲對曰陳氏戮其小臣臣有辭為是故遲公笑而目孔子曰周書所謂明德慎罰陳子明德也罰人而有辭非不慎矣孔子答曰昔康叔封衛統三監之地

欽定四庫全書

孔叢子
卷上

八

命為孟侯周公以成王之命作康誥焉稱述文王之德以成勅誡之文其書曰惟乃丕顯考文王克明德慎罰克明德者能顯用有德舉而任之也慎罰者并心而慮之衆平然後行之致刑錯也此言其所任不失德所罰不失罪不謂已德之明也公曰寡人不有過言則安得聞吾子之教也書曰其在祖甲不義惟王公西赤曰聞諸晏子湯及太甲武丁祖乙天下之大君夫太甲為王居喪行不義同稱君何也孔子曰君子之於人計功而除過太甲即位不明居喪之禮而干冢宰之政伊尹放之于桐憂思三年追悔前愆起而復位謂之明王以此觀之雖四於三王不亦可乎魯哀公問書稱夔曰於予擊石拊石百獸率舞庶尹允諧何謂也孔子對此言善政之化乎物也古之帝王功成作樂其功善者其樂和樂和則天地猶且應之況百獸乎夔為帝舜樂正實能以樂盡治理之情公曰然則政之大本莫尚夔乎孔子曰夫樂所以歌其成功非政之本也衆官之長

既成熙熙然後樂乃和焉公曰吾聞夔一足有異於人信乎孔子曰昔重黎舉夔而進又欲求人而佐焉舜曰夫樂天地之精也唯聖人為能和六律均五音知樂之本以通八風夔能若此一而足矣故曰一足非一足也公曰善

記義第三

季桓子以粟千鍾餼夫子夫子受之而不辭既而以頌門人之無者子貢進曰季孫以夫子貧故致粟夫子受之而以施人無乃非季孫之意乎子曰何對曰季孫以為惠也子曰然吾得千鍾所以受而不辭者為季孫之惠且以為寵也夫受人財不以成富與季孫之惠於一人豈若惠數百人哉秦莊子死孟武伯問於孔子曰古者同寮有服乎荅曰然同寮有相友之義貴賤殊等不為同官聞諸老聃昔者號叔閔夭太顛散宜生南宮适五臣同寮比德以贊文武及號叔死四人者為之服朋友之服古之達理者行之也公父文伯死室人有

從死者其母怒而不哭相室諫之其母曰孔子天下之賢人也不用於魯退而去是子素宗之而不能隨今死而內人從死者二人焉若此於長者薄於婦人厚也既而夫子聞之曰季氏之婦尚賢哉子路愀然對曰夫子亦好人之譽已乎夫子死而不哭是不慈也何善爾子曰怒其子之不能隨賢所以為尚賢者吾何有焉其亦善此而已矣 衛出公使人問孔子曰寡人之任臣無大小一一自觀察之猶復失人何故荅曰如君之言此即所以失之也人既難知非言問所及觀察所盡且人君之慮者多多慮則意不精以不精之意察難知之人宜其有失也君未之聞乎昔者舜臣堯官才任士堯一從之左右曰人君用士當自任耳目而取信於人無乃不可乎堯曰吾之舉舜已耳目之矣今舜所舉人吾又耳目之是則耳目人終無已時也君苟付可付則已不勞而賢才不失矣 子貢問曰昔孫文子以衛侯哭之不哀知其將為亂不敢舍其重器而行盡寘諸戚而善

欽定四庫全書

孔叢子

上

晉大夫二十人或稱其知何如孔子曰人知其為知也吾未知其為知也子貢曰敢問何謂也子曰食其祿者必死其事孫子知衛君之將不君不念伏死以爭而素規去就尸利攜貳非人臣也臣而有不臣之心明君所不赦幸哉孫子之以此免戮也 孔子使宰予使於楚楚昭王以安車象飾因宰予以遺孔子焉宰予曰夫子無以此為也王曰何故對曰臣以其用思其所在觀之有以知其然王曰言之宰予對曰自臣侍從夫子以來竊見其言不離道動不違仁貴義尚德清素好儉仕而有祿不以為積不合則去退無吝心妻不服綵妾不衣帛車器不雕馬不食粟道行則樂其治不行則樂其身此所以為夫子也若夫觀目之麗靡窈窕之淫音夫子過之弗之視遇之弗之聽也故臣知夫子之無用此車也王曰然則夫子何欲而可對曰方今天下道德寢息其志欲興而行之天下誠有欲治之君能行其道則夫子雖徒步以朝固猶為之何必遠辱君之重貺乎王曰乃

欽定四庫全書

孔叢子

上

今而後知孔子之德也大矣宰予歸以告孔子孔子曰
二三子以予之言何如子貢對曰未盡夫子之美也夫
子德高則配天深則配海若予之言行事之實也夫子
曰夫言貴實使人信之舍實何稱乎是賜之華不若予
之實也 孔子適齊齊景公讓登夫子降一等景公三
辭然後登既坐曰夫子降德辱臨寡人寡人以為榮也
而降階以遠自絕於寡人寡人未知所以為罪孔子答
曰君惠顧外臣君之賜也然以匹夫敵國君非所敢行
也雖君私之其若義何 顏籬由善事親子路義之後
籬以非罪執於義將厄子路請以金贖焉人將許之既
而二三子納金於子路以入衛或謂孔子曰受人之金
以贖其私昵義乎子曰義而贖之貧取於友非義而何
愛金而令不辜陷辟凡人且猶不忍況二三子於由之
所親乎詩云如可贖兮人百其身苟出金可以生人雖
百倍古人不以為多故二三子其欲由也成其義非汝
之所知也 孔子讀詩及小雅喟然而嘆曰吾於周南

欽定四庫全書

孔叢子

卷上

召南見周道之所以盛也於柏舟見匹婦執志之不可
易也於淇澳見學之可以為君子也於考槃見遁世之
士而不悶也於木瓜見包且之禮行也於緇衣見好賢
之心至也於雞鳴見古之君子不忘其敬也於伐檀見
賢者之先事後食也於蟋蟀見陶唐儉德之大也於下
泉見亂世之思明君也於七月見豳公之所造周也於
東山見周公之先公而後私也於狼跋見周公之遠志
所以為聖也於鹿鳴見君臣之有禮也於彤弓見有功
之必報也於羔羊見善政之有應也於節南山見忠臣
之憂世也於蓼莪見孝子之思養也於四月見孝子之
思祭也於裳裳者華見古之賢者世保其祿也於采芣
見古之明王所以敬諸侯也 孔子晝息於室而鼓琴
焉閔子自外聞之以告曾子曰嚮也夫子之音清微以
和淪入至道今也更為幽沈之聲幽則利欲之所為發
沈則貪得之所為施夫子何所之感若是乎吾從子入
而問焉曾子曰諾二子入問夫子夫子曰然女言是也

欽定四庫全書

孔叢子

卷上